

分野

星紀辨州肇自前古鴻師南戒樹義足取維將在
閩彈丸守土中宮微垣斗為之主郁郁輪囷萬年
斯祐志分野

周禮保章氏掌天心以星土辨九州之地所封封域皆
有分星以觀妖祥 帝王世紀曰黃帝受命乃推分星

次以定律度自斗十度至婺女七度曰星紀於辰為丑
謂之赤奮若於律為黃鍾斗建在子為吳越分野爾雅釋天

星紀斗牽牛也註為斗牽牛者日月五星之所終始故謂之星紀鄭曉天文述云以斗牛為星分首者日月星

將樂縣志

卷之一

分野

皆起於斗宿古之言天者由斗牛以紀星故曰星紀紀為十二次之首而斗牛女二十八宿之首也前漢

志越地牛女分野 後漢志云自斗十一度至婺女二

十七度曰星紀 春秋元苞經云牽牛流為楊州分為

越國 晉書九江入斗一度泗水入女一度會稽入牛

一度 按延平原鶴會稽故隋志云楊州於禹貢為淮海

地在天官自斗三十二度至須女七度星紀於辰在丑

而吳越得分野 唐志云楊州閩越為星紀分 宋志

云天市垣二十二星東西各十一星其東垣南第六星

曰吳越 元志云斗四度三十六分六十六杪入吳越

爲星紀之次。明天文志分野斗牛之分。一統志又曰斗女之分邑舊志以會稽入斗一度謂將樂屬星紀斗牛之次。今遵

皇清欽定萬年歷定爲天文斗宿分野。以牛初度入子而揚州丑域上

當斗宿全度畧
參箕宿之交

附 氣候

洪範雨暘燁寒風各以事應。至治之世天時無不順也。顧陰陽之運潛爲轉移。同一測景而八方之晷刻不齊。同一占候而四時之寒暑各別。熊狐樂雍梁陽鳥習彭

將樂縣志

卷之一

分野

二

蠡其明驗已甚。至方隅之壤。城市揮箠。山谷披裘。氣候迥殊若此。全閩濱海之區。煦燠和暢。號曰炎海。將樂據延平上游。距海五百餘里。地勢爽塏。崇山周圍。寒無墮指。暑鮮燠膚。霧籠溪而陰霾立至。嵐移岫而清風徐來。四時成歲。田部春秋可採焉。三春之月多霖。朱明之月必漲。地磽土脆。澇場是虞。若夫金商既屆。早稻就實。粳秣初華。時雨載濡。用占有年。此其時也。霜氣始肅。小春融融。迺刈迺穫。一歲之農功。蓋卽此都之氣候矣。夫周禮月令。草木鳥獸咸登。占候而幽風。疊疊獨紀田家事。

豈非猶是羲和定時。庶績咸熙之意歟。若夫旱潦失時。菀枯異候。直曰妖祥。安得云氣候哉。

論曰。分野之說。權輿周禮。古者望雲省氣。占驗祥妖。豈無所據。閩爲禹貢揚州之域。前史所載。劉向蔡邕。皇甫謐諸人。紀起度分數。言人人殊。幾於聚訟。其後稍有差異。大抵依傍漢晉諸志而言。扣槃捫籥。其孰能決之。通志云。牽牛跨浙粵閩三省。閩九郡。西屆樵川。東北盡柘浦。東抵長溪。而清漳襟當嶺南。距會稽不上數百里。實在周天分度數一千四百六里之內。

將樂縣志

卷之一

分野

三

卽謂九閩咸隸會稽牛一度也。固宜。星經以斗杓第六星曰開揚。主揚州。夫閩於揚越爲培塿。將邑在閩。又培塿之黑子。合延地不抵一度之半。舊志謂屬星紀斗牛之次。無乃謬乎。今

天子體國經野。敬授人時。賓餞有常。昊天欽若。

頒定萬年歷一書。以斗初度入子而揚州丑域。上當斗宿全度。與前古所傳迥異。不已息群喙歟。將邑雖偏小。無關乎星紀之燭。然得一賢。令則卽官明。得一賢士。則少微顯。天道遠而人道邇。君子治天職。食天祿。

亦惟各敬爾身以答天休而已

將樂縣志

卷之一

分野

四

建邑

維昔樂野昉于東越提封萬井瀲溟鬱峴既麗且康篤生世傑爰比鄒魯版章式闢顧名思義苞桑無斃志建邑

將樂在府治西 禹貢屬揚州域 周職方屬七閩

戰國屬閩越 秦已弁天下廢閩越王為君長以其地

為閩中郡故屬閩中 漢高帝五年復立閩越王都冶

建元六年封餘善為東越王 元封元年帝遷其人

於江淮其地為東冶地又更名東城後隸會稽 東漢

將樂縣志

卷之一

建邑

光武分東南二部東部臨海南部建安故屬建安地

吳孫休永安三年廢部為建安郡統七縣曰建安曰吳

興曰東平曰建陽曰邵武曰延平析建安之校鄉置將

樂縣故屬建安郡

東越時有樂野宮又以邑在將溪之陽土沃民樂故名

晉隆安

三年析縣之西鄉為綏安縣 東晉義熙元年改綏城

縣 隋開皇十二年併入邵武縣亦隸撫州 唐武德

五年復析邵武仍將樂縣亦隸撫州七年省還邵武

嗣聖五年復以邵武及故綏城縣地置將樂仍隸撫州

元和三年復省五年復置隸建州 五代晉開運二

年僞閩王延政據建州陞縣為鏞州以鐘山在西南唐又曰西鏞州

保大中討平尋復為縣仍隸建州宋太平興國四年

改為南劍州隸福建路轄縣五故屬南劍州元大德

六年改劍州為延平路明洪武二年改路為延平府

領縣五故屬延平府

國朝因之為福建延平府將樂縣邑人蕭正模縣名考邑乘之不修百餘

年矣今日而有任其事者則縣名宜考也將樂名縣自

三國孫吳時以水來自將溪而越王樂野宮在是也故

名至五代王氏據閩地狹官曠乃改為鏞州而以刺史

領之今邑所祀郭公顯忠則閩鏞州刺史有遺澤於民

者也蓋邑之名宦自晉唐及五代僅傳此人耳而是時

延平則為鏞州其與鏞州統屬之制莫得其詳

將樂縣志

卷之一

建邑

二

入宋則太宗興國時改劍州為南劍州縣仍為將樂將
樂之名蓋古於鏞州而邑人稱於外邦者輒曰古鏞此
弗考之甚矣此之不考而吾邑乃有稱為南劍州刺史
於唐世者是時吾郡為建福汀三州地後於此置延平
軍去太平興國時之以南建各州者尚隔二百餘年而
縣之名將樂前此蓋五百年矣且吾邑最爾地屬郡西
偏當唐全盛之日官師守令成憲俱存其於此地不煩
以一刺史坐鎮而使其鄰邑受約束於此也不待言矣
至於唐末以迄五代天下多故吾邑之分屬五朝及王
氏南唐者一年而三易換則所謂屯田鎮撫其地者恐
亦不得行其志於朝秦暮楚之時也

論曰三代以前有封建而無郡縣漢承秦地分天下

為郡國而後以十三州統之其後為州益繁所統益

狹離析磔裂滄桑屢遷莫可殫述將自三國時得名

上下閱千九百餘年以至於今中間爲屬爲隸爲改
爲置爲省爲還靈山如舊面目再新讀史者撫卷論
世有餘慨焉元封之時徙民江淮土壤旣虛後民稍
稍從山谷間出鞠草生悲殆可緬想五代以後朝播
夕遷民無定所至正十九年罹僞漢之毒攻汀取邵
轉掠入境明興始勦平之三百年中遠近救寧至昂
革初山賊竊發蹂躪我城池戕虜我士女亦無復稱
樂土矣我

國家統一區宇靈承式廓百有餘年登民衽席以是生

將樂縣志

卷之一

建邑

三

齒蕃庶動植咸若延袤六百里中誰是白頭話舊者
乎夫成邑成都不以偏隅限有輔世長民者酌富教
之術以期金湯之固安在邾莒不卽同齊魯哉

疆域

都圖形勝風俗附

拓土畫疆禹迹是仰綺縮繡錯原隰墳壤崇山綿
延碧溪澆澆犄之角之都隅星朗百六十里匪儉
用長志疆域

縣踞省會之西爲延平中治距府二百二十里距省五
百四十里東連順昌五十七里爲黃亨南達歸化九十
里爲鐵嶺西抵泰寧一百里爲梅口北通邵武一百二
十里爲馬嶺東南沙縣轄界五十里者陂坑村也西北
邵武轄界九十里者吳源村也東北順昌轄界一百里

將樂縣志

卷之一

疆域

里者沙坑村也西南歸化轄界一百二十里者常坪村
也廣一百五十五里袤一百六十里周圍計五百六十
里方之古制何滕薛之足云若夫里軌鄉連星羅碁布
分隅接壤彰閭殊形附接編次披牘指掌呼吸可通焉

坊里都圖

按宋制本縣統九里曰清平曰安福曰長壽曰福安曰
永吉曰隆溪曰安仁曰萬安曰常豐元析爲四十一團
明改附縣爲隅在鄉爲都舊名頗有更易成化八年析
中和興善二都隸汀州府歸化縣後分隅二都三十有

九爲圖六十有七編戶六十七里我朝仍明舊制分東北一二三西南一二三爲坊者六爲都圖者六十有七康熙三十三年新令勻苗時知縣胡承銓任去坊長遷里長以龍池高灘四張源二上衢等四圖勻入六十三圖併丁銀勻入田糧同編審冊造以未奉題免尚仍六十七圖之舊其實城內外爲坊者十七領圖六十有三轄村五百五十焉

縣城

東北圖三轄坊八村一

將樂縣志

卷之一

疆域

二

東迎禧坊 長安坊 顯烈坊 北福坊
壽坊 松橋坊 翠簾坊 北郊遵道坊
張公排

西南圖三轄坊七

西求仁坊 梅里坊 仁美坊 南文昌坊
興賢坊 武德坊 南郊仁德坊

縣東南路

水南都圖四轄坊二

上水南福星坊
下水南德星坊

玉萃都圖二轄村三十一 距城十里

一圖二十一村 下村 洞前 梅花井 紅邊
謝坊 洞後 五行徑 圳上 曹溪 大壠

源 庵前 路口 石嶺 半路 大坑頭 神坑
鑿州 馬哨 牛勝坪 高山坊 大坑
二圖十村 伴俚 觀音堂前 余坊 古竹上
坊 大東坑 小東坑 大坪壠 橫頭 琵琶
坵

胡管都圖一轄村十九 距城三十里

村尾 三溪尾 胡管 楊坑 杜堰 峯頭
沙溪 黃源 高墩 張源 白沙 大山坊
龍嘴巖 余山坊 張壠 塚邊 山圭洋
梁地 上洋

三溪都圖一轄村十五 距城四十里

漠源 坑處 吳坊 三源 地村 石嶺 陂
坑 倪家山 沙縣界 勘頭 伍坊 曹坊 山門
順昌界 雪裏山 筭濟洋 天柱

將樂縣志 卷之一

疆域 三

縣東路

龍池都圖 康熙三十三年勻苗訖

積善都圖一轄村五 距城二十里

積善 三澗渡 饒坑
黃田 蕭坊頭

忠孝都圖一轄村十九 距城二十五里

下曲 將溪 余坊坑 半嶺 嶺頭 石帆溪
塍上 上塢 將軍巷 店前 港頭 李林
南坪 鄧坊 山坑 禾沙坑 陳坊 陂上
羊角嶺

富穀都圖一轄村八 距城三十里

洋布 漢俚 洞澗 常口 白渡 常源
南坪 山坊

高灘都圖四 第四圖康熙三十三年勾苗訖今只一

一二三圖轄村三十 錦上 會石 石牀 班
州 考坑 黃竹坑 婁杉上村 下村 曹地

林地 黃坑 衢山 廖坊 賴俚 黃坑口
五坑 上坊 上山坊 下山坊 今廢 土
豚窟 新立杉坑 河坑 正溪 孔坪 山頭
堞丁 峯頭 上山 陳地 章蔭

縣南路

桃源都圖一轄村十一 距城十五里

溪口 林墩 勘頭 楊坊 塘坑 礫下
礫上 大坑 張坊 乾灘 大布

蛟湖都圖一轄村七 距城二十里

蛟胡 覆源 孫坊 黃厝排 坊坑
陳大坑 山門

將樂縣志 卷之一

疆域 四

永康都圖二轄村十五 距城三十里

南口 朱布 箕營 楊布 溫坊 余布 余
坊山 井籠俚 圳許 孔下 半村 坵婁
孔頭 水口
松嶺墩

南勝都圖一轄村十九 距城四十里

佛嶺于 舍坑 陳坊嶺 坊頭 裏坑 白塔
小拔 大拔 演西坑 上下瑤 上下坑
空下 陳坊墩 舖下村 新橋 隔頭
大拔口 蘆俚 汝坑

隆安都圖二轄村二十九 距城五十里

一圖轄村十六 裏坊 寺邊 隆蓬 陂角
蕭家地 朱家地 許山 上仰 嶺干 井頭
塘田 大坑 張坊 蕭源 俞厝坑 花蘭
二圖轄村十三 龍口 黃厝 陳厝 村頭

巴坑 沙塢 琉璃磔 塘嶺 草市 茶坑
嚴厝山 贅坑上窠 路口

池湖都圖一轄村二十二 距城六十里

許瑤 林厝墩 下坊 興洋 安湯 鄧廟許
累石 三原 大坑 西坑 茶塢 張厝

銅排 東山邊 上地 古樓坪 茅公墩 余
厝尾 磔頭 蕭坊 沙洲俚 吳厝橋頭

大里都圖一轄村二十 距城七十里

大里坪 圓山地 灘坊 營俚 小王坊 坊
頭 瑤坪 三溪 蓋竹 藤嶺 板山 大坑

陽源 旋潭 礪許 劉地 羅地 牛嶺
秋蕪 羅坑

隆蔭都圖一轄村二十七 距城九十里

余家坪 常村 石排場 鐵嶺排 大壠 空
溪排 吳厝墩 石門樓 洋坑頭 角嶺 洞

將樂縣志

卷之一

疆域

五

尾 上地 小陂 姜地 下地 牛心洞 大

峯 連地 洪水坑 磔上 馮厝窠 嶺許
村頭 小溪 沙窠 寺邊 常坪圩 歸化界

縣西南路

陽源都圖三轄村三十一 距城一百二十里

半嶺 金坑 翁坊 圩上 正祥坊 大小桃
枝 高株坪 塗船 大原 梅石坑 吳地

滑灘 舉林 渡頭 上橋 安株 余坑 王
坊 寨干 庫樓 半坑 禾沙坑 許坊 墩

上 浮坵 均許 磔頭源 山坊 漆頭 上
陽坑 上坊

竹舟都圖一轄村五 距城七十里

西前 舖上 常口
竹舟 萬全

義豐都圖二轄村十七 距城八十里

一圖十村 將溪 贅坑 桃坑 謝地 馬帶
楊厝坑 巖磔上 坑頭 磔下 下塗船

二圖七村 楊坊 楓地 坵上 橫排磔 三
坑壠 龍西山 上塗船

黃潭都圖三轄村十七 距城六十里

馮坊 坊前 坊尾 漢口 上峯 下峯 楊
梅腰 焦宿 裏地 祥原 上元坪 下元坪
陷高 漢蕪 漢俚 白水 羊窠壠

子教都圖二轄村八 距城四十里

一圖二村 子教 上下坊 儒坊
二圖六村 淺邊 圩上 溪頭 源俚 南樓
余溪

將樂縣志 卷之一

疆域 六

瑞龍都圖一轄村八 距城三十五里

孔頭 裏州 源俚 磔上 延澗 渡頭
蕭坊 襍村

縣西路

永吉都圖二轄村十八 距城二十四里

一圖八村 塍上 福匡堡 楊坊 山坊
羊角嶺 廖棗 外壕 裏壕
二圖十村 東嶺干 西彥 楊坑俚 梁岸
上永吉 下永吉 葛坑 甘泉窩 張坑 廣嶺

光明都圖一轄村十 距城三十里

張源 陽坑 襍俚 陽伯洋 東坑 上墟
下墟 小王 前溪 磔坑
陽岸都圖二轄村二十 距城四十里

一圖九村 上界口 楊厝坊 界源 西溪
塍頭 今名曹地 楊厝源 吳厝地 蔡孔 下界口
二圖十一村 楊坊屈 衢許 苦嵐 才坑
余地 楊源 源頭 牛嶺 黃嵐 大礫上
葛布上

漠源都圖一轄村五 距城六十里

楊家山 蕭地 源頭
礫上 礫下

張源都圖二轄村十五 第二圖康熙三十三年勾苗
訖今只張源一圖距城七十
里

黃家地 上張源 下張源 坨坑 吳源 張
都坑 松源 上才 中才 周厝 余源
橫溪 塘下 馬西坑 南山下

將樂縣志

卷之一

疆域 七

隆興都圖一轄村十七 距城八十里

圳頭 墩上 杉嶺 瓜溪 上源 裏嵐 臺
上 前路邊 塍下 東邊 北坑 木林頭
白窠 新角厝 外嵐 朱嶺頭 許坊

隆集都圖二轄村九 距城一百里

儒林市 今名儒坊街 楊源 蕭坑 東邊
溪源 余家坊 當溪 梅溪

縣北路

萬安下都圖一轄村十 距城五十里

下村 寺許 東坊 衢坊 卽石牙頭 吳厝嶺
許坪 黃連坑 洞溪 上嵐 下嵐

萬安上都圖二轄村十三 距城六十里

一圖三村 萬安寨五市 瑤上 大布上
二圖十村 高坊 陳坑 黃源 裏源 林坑
曹地 上陂 上爐 下爐 師公壇

隆溪下都圖一轄村十 距城七十里

孫坊 坊頭 伍坊 茶俚坑 楊坊邊 謝坑
隔俚 周厝 塍上 橫溪

隆溪上都圖一轄村八 距城八十里

圩俚 前坊 許坊 張坑 梁坊 伍宿
盧菴 廖厝坊

安仁中都圖二轄村十四 距城八十里

一圖八村 半嶺 曹坑 魯坑 福山坊
大坪 桃源 楊坑邊 吳坊

二圖六村 豪坑 大坪上 石阜頭 白地坑
白路隔 茶上

將樂縣志 卷之一 疆域 八

安仁上都圖二轄村二十三 距城一百里

一圖十一村 澤坊 朱坊 余坑 西坑 許
山坑 蓮花村 楊家邊 楊坑 半嶺 上山

黃溪 二圖十二村 上塍 原厝洋 吳公鼻 上村
陳厝坑 何坑溪 黃泥坑 元洋坑 芹菜

洋 嶺頭 太汾 東嶺

隆渡都圖一轄村十三 距城八十里

水尾 楊宅堡 許壠 馬嶺 桃坑 黃源
蕭坊 村頭 下堡 橫溪 西田 余厝坑
隆渡

上衢都圖一轄村十五 距城一百二十里 按此圖
康熙三十三年勻苗已勻入

六十三圖內各村亦應勻入鄰都今現自爲一圖
姑錄之

東嶺 黑嶺干 吊頭 楊源 長岩 許山坊
廖家地 魯源 上洋 丑坑 楊家源
坑塍 裡坑 坵前 謝坑

崇善都圖一轄村十二 距城一百二十里

鄒源 杉嶺 張坑 焦黃坑 吳坊 大坪
洞前 胡宿 山坊 張陂下 張坊上 謝坊

形勝

將樂據閩之上游地險而隘以崇山大陵爲郭郭驚

湍激流爲溝池宋楊時資聖院記距中州數千里之遠舟車

不通負城西南諸峯首尾盤屬聯亘十餘里楊時求仁齋記

當延汀二郡之衝北鎮西臺其山高出霄漢而支壠

將樂縣志

卷之一

疆域

九

透迤左環右抱曰封山曰五馬巖岫磊砢翠山浮嵐

而溪流清泚橫塹其前郡志翠簾翔舞于其前含雲躡

踞于其後龜山蜿蜒于其左五馬馳逐于其右同玉

標峯頓起于後瑞光塔卓立於前爲一邑之最勝本志

五馬超躍而來三華橋爲槽瑞光塔爲樁以殺其勢

三者不可缺一同瑞光塔屹立巽方堪輿家謂木星

得位富有千仞文宿棟空貴當極品見僉塔記本縣三面

皆有峻嶺惟東路坦夷而瀨口兩山雄峙昔人因以

建關亦四塞之邑也

八景

桃溪春漲

明任正詩 桃源兩岸桃花吐碧水連天春欲暮不知夜雨多少深阻却漁郎覓仙

路 黃聞詩 山與碧林合溪將武陵幽魚龍相見漾水帶桃花流亦有扁舟者春風鳴棹謳

虹橋暮雨 任正詩 斜照山腰穿樹入黑雲沙尾倚天立何處長虹溪上來噴咤狂瀾幾千尺

黃聞詩 長橋駕飛虹連帶幾千尺落日風雨來空城起寒色何處思歸人憑闌倚長笛

王輒詩 閣道垂虹影橫空百尺長千峰凝晚翠片兩拂昏黃霧重江天迴烟寒戍壘荒幽懷無限好殊

斜陽

五馬晴嵐 任正詩 人生貴顯羨五馬萬古榮各山可借嵐光旭日千里開恍若渡江作龍化

黃聞詩 五峯連蒼翠初日浮晴烟屏開碧天外影落寒潭前駐目望秋色令人心悵然 國朝車者

將樂縣志

卷之一

疆域

十

壘詩 輕烟裊裊薄孤城一樹棲巖半城明官柳惹殘花市曉歸鴉飛破暮山晴舟行露浦秋初白人聽

風濤夜有聲歷歷數峯雲外現八公道士撮汝成

九仙霽雪 任正詩 九峯幻化仙人火天地同生亦同朽歲寒卸却紫霞裘白玉衣冠蕩氛垢

黃聞詩 群仙向何處萬古遺青山有時白雪飛宛見瓊樹寒落日下陰壑微雲度遙巒長謠抱琴去

一訪仙人關 林鴻詩 一逕逼幽邃松喬舊此遊峯巒藏勝槩巖壑隱丹邱瑞雪春猶積仙泉日自流

雲梯蒼樹合寶訣碧壇留風靜垂蘿磴烟深古石樓登臨一舒嘯塵世盡悠悠

玉洞秋雲 任正詩 洞裏玉華仙已老種得琅玕間瑤草鶴馭鸞笙去不歸只許閒雲日深鎖

黃聞詩 古洞何嵌空連峯翠如黛雲橫秋氣中風度松聲外黃鶴久不來仙人肯相待 王輒詩

山口旋平陸縈廻古洞天崇阿秋霧合峭壁暮雲連縹緲非人境氤氳遠市廛瓊林珠樹鶴蓬島玉華仙

石窾鳴天鼓巖扉響澗泉
水邊有瑤草服食可延年

金谿夜月

任正詩 數聲鷄犬金谿路一曲漁樵翠
烟霧壁光射入中流深川上初沉廣寒兔

黃聞詩

澄潭暮雲虛石壁寒月白鳥度秋水明
人歸浦烟夕扁舟載酒去一醉滄浪客 董紹帷詩

天削芙蓉勢

插簪泛舟巖下步高吟氣橫秋水千
尋碧月浸寒潭一片金赤壁續遊原有與庾樓同翫

豈無心一身恍在清虛殿丹桂香飄露滿林

龍岫烟霞

任正詩 當時道士凌空去種得胡麻已
成樹我來登眺無餘蹤日夕烟霞滿荒路

黃鶴思悠悠

水遶天中閣雲歸石下樓公餘一登覽
臺觀倚蒼樹烟霞當暮秋仙人不可見

多是抱琴遊

王輒詩 複閣依蒼壁飛藤掛瀑流
烟霞開曉色禾黍動高秋鶴逸仙家樹雲歸釋氏樓

磴危窮碧落地勝郎丹邱上築懷招隱登高賦遠遊

君看朱紱者豈為白雲留 蕭旭詩 怪石張虬髯

將樂縣志

卷之一

疆域

十一

勢欲躍前澗倚空構危欄萬井歸一盼利見雷
雨從存神烟霞幻卜居擬隆中抱膝卑管晏

龜山經誦

任正詩 立雪程門楊夫子城陰書室臨
野水至今後學仰師模經誦八閩聲不已

黃聞詩

世代去已遠先生遺澤存至今龜山下
經誦獨可聞千載仰明訓餘風繫斯文 胡景真詩

德星昭人

文山水鍾靈異盈耳經誦聞乃是龜山
里伊洛紹微傳全閩被詩禮雲深立雪堂月落橫琴

几悠悠道南風高山懷仰止 蕭旭詩 武城試牛

刀大道遺於洛立雪載之南鏞人有真樂風靜梧月

明吾呬遍城郭鄒魯今海濱祖述楊氏學

風俗志

鄒魯篤生聖賢之區。遺澤流風。至今未艾。過其里者。想
文物聲名之盛。問車服禮器。猶有存者。然士敦禮義。佻
達間有其人。民篤醇龐。剛愎亦寢爲俗。豈君子之澤有
窮歟。邠風氣習。尚火而漸漓歟。閩爲海濱。鄒魯將樂。尤
龜山篤生地。舊志稱道南而後。士尚詩書。登科躋仕者
代不乏人。民勤耕耨。婦女事紡績。市廛無行貨之婦。雖
極微賤。亦不肩負於路。豈非過存者甚盛乎。顧逸則忘
善。久且不知。彼廉隅自好。鯁鯁繩檢。與門外雪深一尺。

將樂縣志

卷之一

風俗

氣象何似。而雕虫末技。挾一得。詡詡自矜。弋獲失望。貧
賤驕人。影射訕謗。又何隘也。夫士者民之率。子衿如此。
民何責焉。舊志民重去其鄉。尚氣輕生。好勝健訟。鬻田
破產以爭雄長。嫁娶過奢。喪祭未盡乎禮。由今言之。進
乎此矣。飲餽羅致珍饈。婚姻競求奇麗。呼盧等阿堵如
泥沙。服御輕紈。編若楮素。羹飴布絮之奉。愚氓耻居鼠
牙雀角之爭。士夫不厭佞佛邀福。衣冠亦近鱗魚。耽樂
忘憂。苦塊從而酒食。甚至黃土親膚。雙和零落。青鳥自
惑。漆室重開。忍而爲此。恬不怪焉。澆漓可勝道哉。若夫

貞媛歌黃鵠之詞。烈女甘白刃之蹈。鬢眉巾幘固不罄書。亦有餓死事大。俯首依人。未盡寒微者。抑又何也。夫限於水土之謂風。成於教化之謂俗。記云。國奢示儉。國儉示禮。南陽潁川亦在乎司牧之鑪鞴耳。善乎先民氏之言曰。一岐豐也。文王用之。則興仁篤義。秦人用之。乃尙氣輕死。維有道君子。隨時補救。化民成俗。將返淳振雅。庶幾日暮遇之。知縣李永錫禁示一道。爲嚴禁起骸重葬之陋俗。以重風化事。照得棺槨之制。肇於中古。人自死後。潔治衣衾。殮之於棺。慎擇葬地。先爲營槨。或用磚砌。或用石函。較大於棺。築令堅固。然後入棺。以木蓋頂。以磚封面。仍壘黃土。石灰封厚。是爲墳墓。所謂無使土親膚也。計其所費。亦屬無幾。而子

將樂縣志

卷之一

風俗

二

孫於父母。生事死葬。必如是始安。並非欲求過厚。亦斷不可更薄也。乃見將俗治葬。皆先置棺入土。全無磚石爲槨。不數月而物化。及其旣化。又起筋骸。裝之瓦罐。再爲掩埋。是其始與棄屍無異。繼與開檢何分。人非重傷大惡。何至窀穸重開。尸骸再露。遭此慘毒。爲人子孫。目擊身親。恬不知怪。尙謂有人心者乎。再查父祖死時。多有放炮鼓吹。以及延請僧道。理懺誦經之事。違例虛文。無益縟費。反不惜物力。而身蹈之。何獨一槨。偏以爲難。本縣蒞茲數載。歷驗舊墓新墳。無論棺罐。俱係土葬。旣憫其愚。又惡其忍。觸目傷情。合行嚴禁。爲此示仰。闔邑士民人等。知悉。嗣後凡治葬事。務須先營外槨。然後入棺封蓋。再將灰泥堆築成墳。不得先後檢骨。亦不得竟貼土埋葬。庶棺不朽而土不親。父祖不至屢受洗檢之傷。子孫亦不易犯開掘之罪。非唯愛親。兼可省事。苟有知識。何憚不爲。若其他無益虛文。違禮犯禁。悉行痛革。至於風水蔭庇。事屬渺茫。福人福地。更非力求可得。徒然屢檢枯骨。致洩地氣。刑傷天折。禍不旋踵。豈不愚甚。本縣人深憫念。不惜大聲疾呼。遍爲誥誡。冀返淳風。倘

敢聽藐不遵。一經訪查，節以不孝論，立寘之法。恐爾等噬臍莫及也。凜之慎之，毋違特示。

正月元日 五鼓爆竹開門，淨室焚香，陳酒菓於祖先，俱鮮服拜禮，仍長幼序拜，以及親友。

元宵 俗稱初九日為天旦，於是日五鼓試燈，自是連夜張花燈，競花炮，笙歌徹夜，至二十日乃止。里

社建醮 祈年。

儺日 在城以十七日，水南以十六日，俱先一日晚鳴鑼，遍市巷，徹夜以逐厲疫。至日刻木為舡，以送之。

二月驚蟄 糝石灰屋柱，下以辟百蟲。

社日 農家先期賽社，春祈秋報，俱同。種早秧日社秧。

花朝 無撲蝶之遊，女子笄者多用是日。

將樂縣志

卷之一

風俗

三月三日 其日取南棟樹葉嫩者，沸湯微煮，澄清炊飯，染色曰烏飯，親隣互送，鄉塾盛饌，延師以議。

東禮名 曰光齋。

清明 祭掃先塋，掛楮錢於樹，祭儀各稱其家。

四月立夏 採新蔬笋作羹，以薦先。日夏羹，其日忌用牛力。

四日 俗傳為酒日，是日釀者俱佳。

八日 浴佛傳經，近有婦女預焉，法當禁止，是日亦忌用牛力。夜逐蚊，禁燈。

五月朔日 民始競渡，至初六日乃止，各以節禮相饋。

端午 作角黍，懸蒲艾於門，飲菖蒲雄黃酒，以解毒。採百藥儲之治病，仍作湯以浴。

六月六日 俗烹鷄酒相遺，以月日俱陰，飲之以節宣云，又以是日浴犬。

七月七夕 先是以麵為餅，作鳥獸魚龍之狀，曰巧餅。是夜設瓜菓，陳巧餅，祭牛女二星。童蒙焚燄，女子兒穿針案下，以乞巧。仍貯蜘蛛赤者於盆，次早觀其結絲，以少者為得巧。

中元 雜詣時，蔬曰干菜，仍且素饌酒菓，焚楮衣。楮錢以祀其先，親屬亦以素蔬楮衣相遺。八月朔日 祭掃先塋，如清明節，以霜露降而有悽愴之心也。

中秋 始開池取魚而賞，月之舉頗盛。

九月九日 飲茱酒以辟邪。士夫携酒登高。

十月 田家穫畢，咸新釀作裸聚。飲曰滌田器，又曰完冬。

十一月冬至 粉米為團，牲饌酒菓以祀其先。亦冬至祭始祖之遺意也。官府相賀，民間則否。

十二月 擇吉掃舍宇，以荆芥作湯浴神像，潔器物。

將樂縣志

卷之一

風俗

四

二十四日 靜夜具香燈糖菓財儀，以祀竈。俗傳其神朝天，言人過失，用糖以甜其口。

歲除 民間以糕菓牲酒相遺，曰分年。蒸飯儲新歲數日之食，曰歲飯。稱家備物，以祀其先。長幼相序，獻酌飲畢，圍爐達旦，謂之守歲。仍於室中明燭，具火盆以為迎新。

舊志將之風俗，鄉邑重道，讀書進取，砥礪名節。後先相望，冠婚喪祭如古禮。男女耕績，登本業。此大都也。

其曰軍民雜處，貧富相凌，易忿輕訟，奢靡巧詐，士浮而民梗，尚鬼而信巫。此極弊也。然猶有不盡然者，嘗聞故老譚宏正間事，民皆愿約，俗尚敦龐。丈夫力耕

稼，給徭役，衣不過苧布，自非達官縫掖，不得輒服綺縠。女子勤紡績，衣服視丈夫。士人妻非受封，不得

長衫束帶，居室鮮廳事，高堂惟式，賓筵享禮，豆不過

五，非大休嘉吉事，不得輒用簫鼓。且貴賤上下，斬然

不紊。豪民無敢虎步行，猶然有陶唐冀方遺風。餘俗

於戲，洵道南過化里哉。乃今顧與疇昔，寔異矣。不貴儉德，徒以華靡相高。丈夫被文繡，服綉履，女子服

五彩金縷衣。以金珠翡翠爲冠。嫁娶輒用長衫束帶。而乘駟馬高車。室皆廳事。與官品第宅相埒。歲時燕會。列鼎極水陸珍饈。金品篠者。迄無虛日。其富子弟。不事家人。生產率群居。呼五百。坐蕩。咀廬不之悔。至於信爭。町疇。靡競。錙銖。多。無賴之行。一不相能。訟纏孛裔。不解。甚或自殘。或指病亡爲。毆殺。輒誣訟人。比官司爲直之。誣者抵法。被誣者家已付之。烏有矣。是以縉紳歛手。寧讓城旦之。故素封屏息。甘避豪舉之鋒。貴賤上下。履而冠。冠而履矣。使賈長沙見之。不知流涕痛哭。當何如也。嗟嗟。風以倡之。俗斯習之。昔言尚矣。維風之道二。有繫水土者。謂之風氣。有隨君上者。謂之風聲。二者皆所以習也。吳越好淫祀。賴第。五倫作之。守會稽嚴禁令。絕俗爲之。丕變仁賢之化也。可貴哉。樹風聲以移風氣。存乎上焉耳。

論曰。古者終十爲同。同方百里。郎鄉大夫采地之大者。所謂百乘之家也。若方六七十。如五六十。聖門之

將樂縣志

卷之一

風俗

五

賢猶斤斤焉。將雖蕞爾邑。毋乃視古爲已奢乎。考周禮。四甸爲縣。又遂人五鄙爲縣。而魯語則曰。三鄉爲縣。縣之義不同也。今之析土爲縣。昉於楚莊。秦漢復大定建置。後世因革不一。其實疆域之分。依然此一塊土耳。夫國于天地。必有與立。膚寸之原。尺只之壤。維經維緯。皆生民所托命也。在昔司徒掌四郊都鄙。正其地域。稽其田萊之數。相其邱陵原隰。使民接畷承隅。亘繞郊坰。故曰。死徙無出鄉。仁政必自經界始。將自南唐宋元以來。隸置無常。邑里之繁。有朝更夕

易者方今承平日久外無草竊割據之虞內無豪強
兼并之弊上以周召爲甸宣下任蘇郭爲撫馭正版
疆而畫郊圻土地闢民氣和于斯爲盛披是編也尋
其脈絡以握其要領胸羅全局可掛理焉若美哉山
河之固是魏國之寶則又雜霸之餘烈所謂在德不
在險者正不盡然也



將樂縣

風俗